


詩醇
二
陸

土岐文庫
文庫17
W64
22



文庫 17
W64
22

御選唐宋詩醇卷之四十二

山陰陸游詩一

詩目錄

寄酬曾學士學宛陵先生體比得書云所寓

廣教僧舍有陸子泉每對之輒奉懷

送曾學士赴行在

新夏感事

留題雲門草堂

度淨橋至南臺

印送唐宋詩醇卷之四十二 陸游

昭和六十年二月一日贈
上海圖書館藏

010185191201

還縣

航海

東陽道中

送七兄赴揚州帥幕

以石芥送劉韶美禮部劉比釀酒勁甚因以

為戲

寄張真父舍人

病中簡仲彌性唐克明蘇訓直

晚泊慈姥磯下

夜宿陽山磯將曉大雨北風甚勁俄頃行三

百餘里遂抵雁翅浦

送全州趙都曹

病中作

醉中歌

上巳臨川道中

隨意

遊山西村

雨霽出遊書事

上虞逆旅見舊題歲月感懷

題十八學士圖

夜聞松聲有感

十二月一日

宿楓橋

雨中泊趙屯有感

秋風

重陽

沙頭

移船

將離江陵

滄灘

松滋小酌

晚泊松滋渡口

繫舟下牢溪遊三游洞二十八韻

秋風亭拜完萊公遺像

聞猿

瞿唐行

復增廣詩譜卷之三

三

蹋磧

鄉中每以寒食立夏之間省墳客夢適逢此時悽然感懷

風雨中望峽口諸山奇甚戲作短歌

晚晴聞角有感

畏虎

鄰水延福寺早行

大安病酒留半日王守復來招不往送酒解

醒因小飲江月館

曉發金牛

山南行

和高子長參議道中

次韻張季長題龍洞

大息

閩中作

遊錦屏山謁少陵祠堂

歸次漢中境上

南沮水道中

陸游

長木夜行抵金堆市

赴成都泛舟自三泉至益昌謀以明年下三

峽

雪晴行益昌道中頗有春意

劍門道中遇微雨

劍門城壯回望劍關諸峯青入雲漢感蜀亡

事慨然有賦

綿州魏城縣驛有羅江東詩云芳草有情皆

礙馬好雲無處不遮樓戲用其韻

東津

東山

綿州錄叅廳觀姜楚公畫鷹少陵爲作詩者

西郊尋梅

海棠

驛舍見故屏風畫海棠有感

登荔枝樓

凌雲醉歸作

醉中感懷

玻黎江

送客至江上

九月十六日夜臺駐軍河外遣使招降諸城
覺而有作

成都行

初寒

木山

十月一日浮橋成以故事宴客凌雲
觀大散關圖有感



御選唐宋詩醇卷之四十二

山陰陸游詩一

三百篇之後自楚騷漢魏六朝以至於唐而詩之
變盡矣變有必極則所就亦以時異故宋人繼唐
之後不規模擬前人要以自成一家而止然其
體製雖殊而波瀾未嘗一也耳食之流未窺古人
門戶於一代大家橫生訾議而不善學者又徒襲
其聲貌亦兩失之矣宋自南渡以後必以陸游為
冠當時稱大家者曰蕭楊范陸楊萬里則曰尤蕭

范陸至劉克莊乃曰放翁學力似杜甫又曰南渡而下放翁故爲一大宗朱子與徐賡載書放翁詩讀之爽然近代惟見此人爲有詩人風致今諸家詩具在可與游匹者誰也觀游之生平有與杜甫類者少歷兵間晚棲農畝中間浮沉中外在蜀之日頗多其感激悲憤忠君愛國之誠一寓於詩酒酣耳熱跌蕩淋漓至於漁舟樵徑茶椀爐熏或雨或晴一草一木莫不著爲咏歌以寄其意此與甫之詩何以異哉詩至萬首瑕瑜互見評者以爲譬

之深山大澤包含者多不暇剪除蕩滌非如守半畝之宮一木一石可屈指計數可謂知言矣若指疵類存英華畧纖巧可喜之詞而發其間深微妙之指何嘗不與李杜韓白諸家異曲同工可以配東坡而無愧者哉茲所存者僅逾二十之一直使天青木響水落石出其有以破拘士之見而守劍南門戶者亦知所取則也夫

寄耐會學士學宛陵先生體比得書云所寓廣教僧舍有陸子泉每對之輒奉懷

庭中下乾鵲。門外傳遠書。小印紅屈蟠。兩端黃蠟
塗。開緘展矮紙。滑細疑卵膚。首言勞良苦。後問逮
妻孥。中間勉以仕。語意極勤渠。字如老瘠竹。墨淡
行疏疏。詩如古鼎篆。可愛不可摹。快讀醒人意。垢
癢逢爬梳。細讀味益長。炙轂出膏腴。行吟坐卧看
廢食。至日晡。想見落筆時。萬象聽指呼。亦知題詩
處。綠井石髮麤。公閑計有客。剪茶置風爐。倘公無
客時。濯纓亦足娛。井名本季疵。思人理豈無。居然
及賤子。媿謝恩意殊。幾時得從公。舊學鋤荒蕪。古

文講聲形。誤字辨魯魚。時時酌井泉。露芽奉瓢盂。
不知公許否。因風報何如。

送曾學士赴行在

二月待燕觴。紅杏寒未坼。四月送入都。杏子已可
摘。流年不貸人。俯仰遂成昔。事賢要及時。感此我
心惻。欲書加餐字。寄之西飛翮。念公爲民起。我得
怨乖隔。遥遥跋前旌。去去望車軌。亭郭鬱將暮。落
日澹陂澤。敢忘國士風。涕泣效臧獲。敬輸千一慮。
或取二三策。公歸對延英。清問方側席。民瘼公所

知願言寫肝膈。向來酷吏橫。至今有遺螫。織羅士
破膽。白著民碎魄。詔書已屢下。宿蠹或未革。期公
作醫和。湯劑窮絡脉。士生恨不用。得位忍辭責。併
乞謝諸賢。努力光竹帛。

前篇學宛陵。此遂并近工。部道義相最。辭意俱古

唐書劉晏傳。州縣取富人督漕。輓謂之船頭。主
郵遞。謂之捉驛。稅外橫取。謂之白著。

新夏感事

百花過盡綠陰成。漠漠爐香睡晚晴。病起兼旬疎

把酒山深四月始。聞鶯近傳下詔通。言路已卜餘
年見太平。聖王不忘初政美。小儒惟有涕縱橫。

風調清碧立。言得體直是通達。治理非尋常。翻風

弄月者比

王士正曰。劉公戲論詩云。七律較五律多二字
耳。其難什倍。譬開硬弩。祇到七分。若到十分。滿
古今亦罕矣。予因思唐宋以來。為此體者。何翅
千百人。求其十分滿者。惟杜甫李頎李商隱陸
游及明之空同滄溟二李數家耳。

文集曾文清公志銘太上懲秦氏專政之後開
言路獎孤直應詔論事者甚衆

留題雲門草堂

小住初為旬月期。二年留滯未應非。尋碑野寺雲
生屨。送客溪橋雪滿衣。親滌視池餘墨漬。卧看爐
面散煙霏。他年遊宦應無此。早買漁蓑未老歸。

度浮橋至南臺

客中多病廢登臨。聞說南臺試一尋。九軼徐行怒
濤上。千艘橫繫大江心。寺樓鐘鼓催昏曉。墟落雲

煙自古今。白髮未除豪氣在。醉吹橫笛坐榕陰。

領聯寫浮橋語頗偉麗五六雄渾中興象自遠有

涵蓋一切之氣

還縣

霽色清和日已長。綸巾蕭散意差強。飛飛鷗鷺陂
塘綠。鬱鬱桑麻風露香。南陌東村初過社。輕裝小
隊似還鄉。哦詩忘却登車去。枉是人言作吏忙。

二四閑雅可愛畫手有不能寫處

航海

我不如列子。神遊御天風。尚應似安石。悠然雲海中。
臥看十幅蒲。彎彎若張弓。潮來湧銀山。忽復磨
青銅。饑鶻掠船舷。大魚舞虛空。流落何足道。豪氣
蕩。肺胸歌罷海動色。詩成天改容。行矣跨鵬背。朝
節蓬萊宮。

東陽道中

風歛烏帽送輕寒。雨點春衫作碎斑。小吏知人當
著句。先安筆硯對溪山。

送七兄赴揚州帥幕

初報邊烽照石頭。旋聞胡馬集瓜州。諸公誰聽芻
蕘策。吾輩空懷賦畝憂。急雪打窓心共碎。危樓望
遠涕俱流。豈知今日淮南路。亂絮飛花送客舟。

五句承上但覺忠憤填胸不復論其造句之警此
子美嫡嗣他人不能到也

以石芥送劉韶美禮部劉比釀酒勁甚因以
爲戲

古人重改陽城驛。吾輩欣聞石芥名。風味可人終
骨髄。尊前真見魯諸生。

道中 劉韶美 寄張真 五 六

草木名物見好賢之意風人微旨可以風世厲俗
元微之陽城驛詩商有陽城驛名何陽道州陽
公沒已久感我淚交流祠曹諱羊祜此驛何不
侔我欲避公諱名為避賢驛

寄張真父舍人

諸公方袞袞無地著斯人萬里夔州守中朝禁省
臣孤帆秋上峽五馬曉班春想見懷明主登臨白
髮新

病中簡仲彌性唐克明蘇訓直

移疾還家暫曲肱依然耐久壯窓燈心如澤國春
歸雁身是雲堂且過曾經兩佩壺尋廢寺夕陽下
馬弔荒陵小留莫厭時追逐勝社年來冷欲冰
原三君皆有歸志故云

晚泊慈姥磯下

山斷峭崖立江空翠靄生漫多來往客不盡古今
情月碎知流急風高覺笛清兒曹笑老子不睡待
潮平

裕力殊健起勢尤為挺拔

御選唐宋詩醇 卷四十三 陸游 病中 晚泊慈姥磯 七 卷四十三

夜宿陽山磯將曉大雨北風甚勁俄頃行三百餘里遂抵雁翅浦

五更顛風吹急雨。倒海翻江洗殘暑。白浪如山潑人船。家人驚怖篙師舞。此行十日苦滯留。我亦蘆叢厭鳴榔。書生快意輕性命。十丈蒲帆百夫舉。星馳電騫三百里。坡隴聯翩雜平楚。船頭風浪聲愈厲。助以長笛搥鼙鼓。豈惟澎湃震山嶽。直恐瀕洞連后土。起看草木盡南靡。水鳥號鳴集洲渚。稽首龍公謝風伯。區區未禱煩神許。應知老去負壯心。

戲遣窮途出豪語

王士正曰南渡惟陸務觀爲大宗七言遜杜韓蘇黃諸大家正坐沈鬱頓挫少耳要非餘人所及

送全州趙都曹

霜葉無停聲。脂車有行色。正悲南浦秋。又送清湘客。啼餓兒頰紅。待養親髮白。努力事上官。世路日已迫。

發端清妙後幅語帶憤激矣

病中作

豫章瀕大江。氣候頗不令。孟冬風薄人。十室八九
病。外寒客肺胃。下濕攻脚脛。俗巫醫不藝。嗚呼安
託命。我始屏藥囊。治病以清靜。幻妄消六鹿。虛白
全一性。三日體遂輕。成此不戰勝。長年更事多。苦
語君試聽。

醉中歌

吾少貧賤真臞儒。貪食嗜味老不除。折腰歛版日
走趨。歸來聊以醉自娛。長餅三楹羅盃盃。不須漁

翁勸三閭牛尾膏。美如凝酥貓頭輪。困欲專車黃
雀萬里行。頭顛白鷺作。鮮天下無潯陽糖蟹徑。尺
餘吾州之蕈尤嘉蔬。珍盤餽釘百味俱。不但項鬪
與腹腴。悠然一飽自笑愚。顧爲口腹勞。形軀投劾
行矣歸園廬。莫厭糲飯嘗黃菹。

上巳臨川道中

二月六夜春水生。陸子初有臨川行。溪深橋斷不
得渡。城近臥聞吹角聲。三月三日天氣新。臨川道
中愁殺人。纖纖女手桑葉綠。漠漠客舍桐花春。平

生怕路如怕虎。幽居不省遊城府。鶴軀苦瘦坐長
飢。龜息無聲惟默。數如今自憐。還自笑。歛版低心
事。年少儒冠未恨。終自誤。刀筆最驚非素料。五更
欵枕一悽然。夢裏扁舟水接天。紅蕖綠芰梅山下。
白堦朱樓禹廟邊。

隨意

隨意上漁舟。幽尋不預謀。清溪欣始泛。野寺憶前
遊。豐歲雞豚賤。霜天柿栗稠。餘生知有幾。且置萬
端憂。

起句之妙正以不著意得之

遊山西村

莫笑農家臘酒渾。豐年留客足雞豚。山重水複疑
無路。柳暗花明又一村。簫鼓追隨春社近。衣冠簡
朴古風存。從今若許閒乘月。拄杖無時夜叩門。
有如彈丸脫手。不獨善寫難狀之景。

雨霽出遊書事

十日苦雨一日晴。拂拭拄杖西村行。清溝泠泠流
水細。好風習習吹衣輕。四鄰蛙聲已閣閣。兩岸柳

色爭青。青辛夷先開。半委地。海棠獨立。方傾城。春
工遇物。初不擇。亦秀燕麥。開蕪菁。薺花如雪。又爛
熨百草。紅紫那知名。小魚誰取置。道側細柳穿頰。
危將烹。欣然買。放寄吾意。草萊無地。蘇疲氓。

閑閑即自有。爲飛魚躍之意。末句一轉。便追風人。
非大家烏能有此。

上虞逆旅見舊題歲月感懷

舴艋爲家東復西。今朝破曉下前溪。青山缺處日
初上。孤店開時鶯亂啼。倦枕不成千里夢。壞牆閑

覓十年題。漆園儼吏猶非達。物我區區豈足齊。

題十八學士圖

隋日昏曉東南傾。雷塘風吹草木腥。平時但忌黑
色兒。不知乃有虬鬚生。晉陽龍飛雲滃滃。關落萬
里。即日平東征。歸來脫金甲。天策開府延豪英。琴
書閑暇永清晝。簪履光彩明華星。高叅伊呂列佐
命。下者才氣猶崢嶸。但餘一恨到千載。高陽繆公
來。竄名老奸得志國。幾喪李氏誅。徙連孤嬰向令
亟。念履霜戒危。亂安得存。勾萌厭賢。一佞旣尚爾。

掩卷涕淚臨風橫

自古知人不易一經指出便為炯戒此詩之有關
政治者筆亦勁直無比

唐書秦王使閻立本圖像文學褚亮為之贊題
名爵里號十八學士圖

夜聞松聲有感

清晨放船落星石大風吹颿如箭激回頭已失廬
山雲却上吳城觀落日夜深龍歸擘祠門入木數
寸留爪痕明朝就視心尚慄腥風卷地震雷奔歸

船買酒持自慰性命平生驚屢戲固知神怒有定
時波紋蹙作魚鱗細如今衰病臥林垞霜覆茆簷
月滿庭松聲驚破三更夢猶作當時風浪聽原註
余丙
成七月自京口移官豫章肩風濤自
星子解舟不半日至吳城山小龍廟

十二月一日

東風吹斗柄暖律變嚴凝草色迷殘燒溪流帶斷
冰兒書春日榜女剪上元燈莫笑蒲龕睡山翁怯
歲增

宿楓橋

御選唐

宋詩序

卷四十二

陸游

十二月一日

宿

卷四十二

楓橋 雨中泊趙屯有感 十一

七年不到楓橋寺。客枕依然半夜鐘。風月未須輕感慨。巴山此去尚千重。

所謂一番拈起一番新也

雨中泊趙屯有感

歸燕。羈鴻。共斷魂。荻花。楓葉。泊孤村。風吹暗浪重。添纜。雨送新寒。半掩門。魚市人煙橫慘淡。龍祠簫鼓。開黃昏。此身且健無餘恨。行路雖難莫更論。

潘問奇曰三四風景颯然五六亦稱

入蜀記大風解船經皖口至趙屯未朝食已行

百五十里而風益大乃泊夾中趙屯有戍兵亦小市聚也夜雨

秋風

秋風吹客櫓。節物嘆遐方。歲事忽云莫。吾行殊未央。霜清漢水綠。日落楚山蒼。此去三巴路。無猿亦斷腸。

前四句疎宕五六撐拄得起結有餘力逼真盛唐格律

重陽

即送唐宋詩 卷四十二

照江丹葉一林霜折得黃花更斷腸商略此時須
痛飲細腰宮畔過重陽

王士正曰偶與友人論宋人絕句若放翁照江
丹葉一林霜舟中一雨掃飛蠅江上荒城猿鳥
悲諸篇皆可直追唐音

入蜀記九日泊槍子磯求菊花於江上人家得
數枝芬馥可愛為之頽然徑醉

沙頭

時子行愈遠沙頭逢莫秋孫劉鬪足地荆益犬牙

州鼓角風雲慘江湖日夜浮此生應哀哀高枕看
東流

雄渾悲壯直摩浣花之壘

移船

沙際舟衙尾相依作四鄰暮年多感慨分路亦酸
辛折竹占行日吹簫賽水神無勞問亭驛久客自
知津

將離江陵

莫莫過渡頭旦旦走隄上舟人與闔吏見熟識顏

狀癡頑火不去常恐遭請讓。昨日倒檣竿今日聯。
 百丈買薪備雨雪。儲米滿瓶盡明當。遂去此障袂。
 先側望。卽今孟冬月。波濤幸非壯。潦收出奇石。霧
 卷見叠障。地嶮多崎嶇。峽東少平曠。從來樂山水。
 臨老愈跌宕。皇天憐其狂。擇地令自放。山花白似
 雪。江水綠於釀。竹枝本楚些。妙句寄悽愴。何當出
 清詩。千古續遺唱。

入蜀記九月二十日倒檣竿立。艣牀蓋上峽。惟
 用艣及百丈。不復張帆矣。百尺以巨竹四破爲

之大如人臂。予所乘千六百斛。船用艣六枝。百
 丈兩車。

滄灘

百夫正謹助鳴。艣舟中對面不得語。須臾人散。寂
 無譁。惟聞百丈轉兩車。嘔嘔啞啞。車轉急。舟人已
 在沙際。立霧歛。蘆村落。照紅雨。餘漁舍。炊煙濕。故
 鄉回首已千山。上峽初經第一灘。少年亦慕宦遊
 樂。投老方知行路難。

松滋小酌

西遊六千里。此地最淒涼。騷客久埋骨。巴歌猶斷腸。
風聲撼雲夢。雪意接瀟湘。萬古茫茫恨。悠然付一觴。

五六倏然意遠兼。有沈雄之氣孟浩然云。獵響驚雲夢。漁歌激楚詞。妙處故應遜此。

晚泊松滋渡口

小灘拍拍顧鷄飛。深竹蕭蕭杜宇悲。看鏡不堪衰病後。繫船最好夕陽時。生涯落魄惟耽酒。客路蒼茫自咏詩。莫問長安在何許。亂山孤店是松滋。

繫舟下牢溪游三游洞二十八韻

舊觀三峽圖。常謂非人情。意疑天壤間。豈有此崢嶸。
畫師定戲耳。聊欲窮丹青。西遊過沔鄂。莽莽千里平。
昨日到峽州。所走始可驚。乃知畫非妄。却恨筆未精。
及茲下牢戍。峰嶂畢自呈。下入裂坤軸。高騫插青冥。
角勝多列峙。擅美有孤撐。或如釜上甑。或如坐後屏。
或如侶而立。或如喜而迎。或深如螺房。或疎如窗櫺。
峩巍冠冕古。婀娜髻鬟傾。其間絕出者。虎鶻蛟龍。獰崩崖凜欲墮。修梁架空橫。懸瀑

瀉無底。終古何時盈。幽泉莫知處。但聞珩珮鳴。怪
怪與奇奇。萬狀不可名。久聞三游洞。疾走忘病嬰。
竇穴初漆黑。僮僕捫壁行。方虞觸螫蛇。類見一點
明。扶接困僮奴。恍然出瓶罍。穹穹厦屋寬。滴乳成
微泓。題名歐與黃。雲蒸蒼蘚平。穿林走驚鷹。拂面
逢飛隄。息倦盤石上。拾樵置茶鏞。長嘯畚谷響。清
吟和松聲。辭卑不堪刻。猶足寄友生。

語奇句老頗近昌黎視南山蓋具體而微爾

秋風亭拜寇萊公遺像

江上秋風宋玉悲。長官手自葺茅茨。人生窮達誰
能料。蠟淚成堆又一時。

感慨繫之其風調致佳

王士正曰詩意以蠟淚成堆爲公貴後事按后
山叢談所記則自其微時已然旣爲宰相乃所
謂無地起樓臺相公也此萊公英雄本色所以
不可及

入蜀記巴東謁寇萊公祠登秋風亭下臨江山
是日重陰微雪天氣颼颼復觀亭名使人悵然

始有流落天涯之歎

聞猿

瘦盡腰圍不爲詩。良辰流落自成衰。也知客裏偏
多感。誰料天涯有許悲。漢塞角殘人不寐。渭城歌
罷客將離。故應未抵聞猿恨。况是巫山廟裏時。
排宕開闔波瀾無限格調自李商隱得之故自青
出於藍

瞿塘行

四月欲盡五月來。峽中水漲何雄哉。浪花高飛暑

路雪灘石怒轉晴天雷。千艘萬舸不敢過。篙工柁
師心膽破。人人陰拱待勢衰。誰敢輕行犯奇禍。一
朝時去不自由。山腹空有沙痕留。君不見陸子歲
莫來。夔州瞿塘峽水平如油。

入蜀記入瞿塘峽兩壁對聳上入霄漢其平如
削成仰視天如疋練然水已上峽中平如油盎

蹋磧

鬼門關外逢人日。蹋磧千家萬家出。竹枝慘戚雲
不動。劍器聯翩日將夕。行人十有八九癯。見慣何

曾羞顧影江邊沽酒沙上臥峽口月出風吹醉人
生未死信難知顛顛夔州生鬢絲何日畫船搖桂
楫西湖却賦探春詩

鄉中每以寒食立夏之間省墳客夔適逢此

時悽然感懷

手持綠酒酌蒼苔今歲何由匹馬來清淚不隨春
雨斷孤吟欲知暮猿哀皂貂破弊歸心切白髮淒
涼老境催誓墓只思長不出松門日日手親開

風雨中望峽口諸山奇甚戲作短歌

白鹽赤甲天下雄拔地突兀摩蒼穹凜然猛士撫
長劍空有豪健無雍容不令氣象少淳滴常恨天
地無全功今朝忽悟始歎息妙處元在煙雨中太
陰殺氣橫慘澹元化變態含空濛正如奇才遇事
見平日乃與常人同安得朱樓高百尺看此疾雨
吹橫風

奇思橫出傑語迭見

晚情聞角有感

暑雨初收白帝城小荷新竹夕陽明十年塵土青

衫色萬里江山畫角聲零落親朋勞遠夢淒涼鄉
社負歸耕議郎博士多新奏誰致當時魯二生
游當與范成大論東坡遙知叔孫子已致魯諸生
句謂爲意深語緩此詩結意雖顯亦有不盡之致

畏虎

滑路滑如苔。澀路澀若梯。更堪都梁下。一雪三日
泥。泥深尚云可。委身餓虎蹊。心寒道上跡。魄碎菊
葉低。常恐不自免。一死均豬雞。老馬亦甚畏。憎憎
不敢嘶。吾聞虎雖暴。未嘗窺汝棲。孤行莫不止。取

禍非排擠彼。譏實有心平。地生溝谿哀。哉馬新息
蕙苴成珠犀。

得詩人激刺之旨。截然徑往彌健彌深。

鄰水延福寺早行

化蝶方酣枕。聞雞又著鞭。亂山徐吐日。積水遠生
煙。淹泊真衰矣。登臨獨惘然。桃花應笑客。無酒到
愁邊。原註酒偶盡
市酤不可飲

著語之工。視四更山吐月。殘夜水明樓。一警健一
細緻。

御選唐詩 卷四十一 小飲江月館 曉發金牛 三十一

大安病酒留半日王守復來招不往送酒解

醒因小飲江月館

江驛春醒半日留更煩送酒為扶頭柳花漠漠嘉陵岸別是天涯一段愁

曉發金牛

客枕何時穩忽忽又東裝快晴生馬影新暝圻花房沮水春流綠嶠山曉色蒼阿瞞狼狽地千古有遺傷原註自金牛以西皆明皇幸蜀路

山南行

我行山南已三日如繩大路東西出平川天野望不盡麥隴青青桑鬱鬱地近函秦氣俗豪鞦韆蹴鞠分朋曹苜蓿連雲馬蹄健楊柳夾道車聲高古來歷歷興亡處舉目山川尚如故將軍壇上冷雲低丞相祠前春日暮國家四紀失中原師出江淮未易吞會看金鼓從天下却用關中作本根

和高子長叅議道中

梁州四月晚鶯啼共憶扁舟罨畫谿莫作世間兒女態明年萬里駐安西

御選唐詩 卷四十一 陸游 山南行 和高子 三十一 卷四十二

翩翩有俠氣

次韻張季長題龍洞

我昔謁紫皇。翳鳳驂虬龍。俯不見塵世。浩浩萬里
空。謫墮尚遠遊。忽到漢始封。西望接蜀道。北顧連
秦中。壯哉形勝區。有此蜿蜒宮。雷霆自鞞鞞。環玦
亦琤琮。石屋如建章。萬戶交相通。來者各有得。盡
取知無從。憑高三歎息。自古幾英雄。老我文字衰。
揮毫看諸公。

慨然遠望落想在耳目之外

太息

原註宿青
山舖作

太息重太息。吾行無終極。冰霜迫殘歲。烏獸號落
日。秋砧滿孤村。枯葉擁破驛。白頭鄉萬里。墮此虎
豹宅。道邊新食人。膏血染草棘。平生鐵石心。忘家
思報國。卽今冒九死。家國兩無益。中原久喪亂。志
士淚橫臆。切勿輕書生。上馬能擊賊。

閩中作

殘年作客遍天涯。下馬長亭便似家。三疊淒涼渭
城曲。數枝閑澹閩中花。襞牋授管相逢晚。理鬢熏

衣一笑譁俱見邯鄲枕中夢。墜鞭不用憶京華。

遊錦屏山謁少陵祠堂

城中飛閣連危亭。處處軒窗臨錦屏。涉江親到錦
屏上。却望城郭如丹青。虛堂奉祠子杜子。眉宇高
寒照江水。古來磨滅知幾人。此老至今元不死。山
川寂寞客子迷。草木搖落壯士悲。文章垂世自一
事。忠義凜凜令人思。夜歸沙頭雨如注。北風吹船
橫半渡。亦知此老憤未平。萬竅爭號泄悲怒。
傷今懷古懷抱畧同。嗚焉寤歎如見其人。亦以寫

其胸臆爾

歸次漢中境上

雲。棧。屏。山。閨。月。遊。馬。蹄。初。喜。蹋。梁。州。地。連。秦。雍。川。
原。壯。水。下。荆。揚。日。夜。流。遺。虜。孱。孱。寧。遠。略。孤。臣。耿。
耿。獨。私。憂。良。時。恐。作。他。年。恨。大。散。關。頭。又。一。秋。
才氣慷慨不詭風人

南沮水道中

磴舍臨湍瀨。層船聚小潭。山形寒漸瘦。雪意莫方
酣。久客情懷惡。頻來道路諳。家山空悵望。無夢到

江南

長木夜行抵金堆市

夜行長木村。重霧雜零雨。淫螢粘野蔓。寒犬吠雲塢。道壞交細泉。亭廢立遺堵。時時過農家。燈火照鳴杼。嗟予獨何事。無歲得安處。卽今窮谷中。性命寄豺虎。三更投小市。買酒慰羈旅。高詠東山詩。悵望懷往古。

赴成都泛舟自三泉至益昌謀以明年下三峽

詩酒清狂二十年。又摩病眼看西川。心如老驥常千里。身似春蠶已再眠。莫雪烏奴停醉帽。秋風白帝放歸船。飄零自是關天命。錯被人呼作地仙。領聯自佳。近人朱彞尊乃謂此與之體可以偶見。撫其相類之句以爲前後稠疊。何乃吹毛求疵。

王士正曰蜀道廣元縣蜀王弟葭萌所封古葭侯國城西二里有烏奴山陸游詩莫雪烏奴停醉帽秋風白帝放歸船是也。

雪晴行益昌道中頗有春意

劍門道中 昌道中 劍門道中 三

杜陵雁下歲將殘。疋馬西遊雪擁關。顛顛敢忘雙
闕路。淹遲遍看兩川山。春回柳眼梅鬚裏。愁在鞭
絲帽影間。安得黃金成大藥。為人千載駐顏顏。

劍門道中遇微雨

衣上征塵雜酒痕。遠遊無處不消魂。此身合是詩
人未。細雨騎驢入劍門。

盧世灌曰筆墨之氣脫化殆盡

劍門城北回望劍關諸峯青入雲。漢感蜀亡
事慨然有賦

自昔英雄有屈信。危機變化亦逡巡。陰平窮寇非
難禦。如此江山坐付人。

劉禪庸主 譙周庸臣 七字中含多少感慨

綿州魏成縣驛有羅江東詩云芳草有情皆
礙馬。好雲無處不遮樓。戲用其韻

老夫乘興忽西遊。遠跨秦吳萬里秋。尊酒登臨遍
山寺。歌辭散落滿江樓。孤城木葉蕭蕭下。古驛灘
聲瀲灩流。未許詩人誇此地。茂林修竹憶吾州。

東津

陸游 望劍關蜀亡事 卷四十二

御選唐先言詩 卷三十一 綿州 東津 東山 三五

歲莫涪江水歸壑。白沙渺然石犖角。天常燠少
雪霜。綠樹青林不搖落。闌干詰曲臨官道。煙靄參
差望城郭。打魚斫膾修故事。豪竹哀絲奉歡樂。樂
莫樂於新相知。美人一笑回春姿。四方本是丈夫
事。安用一生無別離。

深情老筆視少陵。二作雖未敢旗鼓。中原亦當鴈
行。同時諸子豈敢望其項背。

東山

今日之集何佳哉。入闕劇飲始此。回登山正可小

天下跨海何用尋蓬萊。青天肯為陸子見。妍日似
趣梅花開。有酒如涪綠可愛。一醉直欲空千巖。馳
酥鶯黃出隴右。熊肪玉白黔南來。眼花耳熱不知
夜。但見銀燭高花摧。京華故人死太半。歡極往往
潛生哀。聊將豪縱壓憂患。鼓吹動地聲如雷。

高風跨俗真骨凌霜高作也

綿州錄參廳觀姜楚公畫鷹少陵為作詩者
我來訪古涪之濱。不辭百罔冀一真。走馬朝尋海
樓館。斫膾夜醉魴魚津。越王高樓亦已換。俯仰今

御選唐先言詩 卷三十一 陸游 東山 觀姜楚公 卷四十一

古堪悲辛督郵官舍最卑陋棟撓楹腐知幾春歸
然此壁獨亡恙老槎勁翮完如新向來劫火何自
免叱呵守護疑有神妖狐九尾穴中國共置不問
如越秦天時此物合致用下鞫指呼端在人會當
原野洒毛血坐令萬里清烟塵老眼還憂不及見
詩成肝膽空輪囷

西郊尋梅

西郊梅花矜絕艷走馬獨來看不厭似羞流落蒙
市塵寧墮荒寒傍茆店翛然自是世外人過去生

中差一念淺顰常鄙桃李學獨立不容鶯蝶覘山
礬水仙晚角出大是春秋吳楚僭餘花豈無好顏
色病在一俗無由矻朱欄玉砌渠有命斷橋流水
君何欠嗟余相與頗同調身客劍南家在剡淒涼
萬里歸無日蕭颯二毛衰有漸尚能作意晚相從
爛醉不辭盃潑灑

因險出奇却不落小家數

海棠
原註范希元園

誰道名花獨故宫
原註謂故蜀撫王宮
東城盛麗足爭雄橫

御選唐詩 卷四十二 有感
陳錦障闌干外。盡吸紅雲酒。酸中貪看。不辭持夜
燭。倚狂直欲。擅春風。拾遺舊咏。悲零落。瘦損腰圍
擬未工。原註老杜不應無海棠詩意其失傳爾

孫勅曰末句妙於翻案如此著意自爾無陳非
新

驛舍見故屏風畫海棠有感

厭煩只欲長面壁。此心安得頑如石。杜門復出歎
習氣止。酒還開。慙定力。成都一月海棠開。錦繡裏
城迷巷陌。燕宮最盛號花海。霸國雄豪有遺迹。猩

紅鸚綠極天。巧疊萼重。跗眩朝日繁。華一夢忽吹
散。閉眼細心。猶歷歷。憂樂相尋。豈易知。故人應記
醉中詩。夜闌風雨。嘉州驛。愁向屏風見。折枝

結尾點題含情無限通首俱成波瀾矣夜聞松聲
有感與此同調蓋其作用熟也

登荔枝樓

平羌江水接天流。涼入簾櫳已似秋。喚作主人元
是客。知非吾土強登樓。閑憑曲檻常忘去。欲下危
梯更小留。公事無多。厨釀美。此身不負負嘉州。原註

薛能詩不負
嘉州只負身

凌雲醉歸作

峨。眉。月。入。平。羌。水。歎。息。吾。行。俄。至。此。謫。仙。一。去。五。
百。年。至。今。醉。魂。呼。不。起。玻。瓈。春。滿。琉。璃。鍾。原註玻
瓈春眉
州。酒。宦。情。苦。薄。酒。興。濃。飲。如。長。鯨。渴。赴。海。詩。成。放。
筆。千。觴。空。十。年。看。盡。人。間。事。更。覺。麴。生。偏。有。味。君。
不。見。蒲。萄。一。斗。換。得。西。涼。州。不。如。將。軍。告。身。供。一。
醉。

醉中感懷

早歲君王記姓名。只今顛顛客邊城。青衫猶是鵝
行舊。白髮新。從劍外。生古戍。旌旗秋慘澹。高城刁
斗夜。分明壯心未許全消盡。醉聽檀槽出塞聲。

盧世灌曰三四無限感慨

玻瓈江原註眉州共飲亭蓋取東坡共飲玻
瓈江之句追懷舊遊戲作以補西州

玻。瓈。江。水。千。尺。深。不。如。江。上。離。人。心。君。行。未。過。青。
衣。縣。妾。心。先。到。峩。眉。陰。金。樽。共。酌。不。知。曉。月。落。煙。
清。天。橫。參。車。輪。無。角。那。得。住。馬。蹄。不。方。何。處。尋。空。

憑尺素寄幽恨。縱有綠綺誰知音。愁來只欲掩屏
 睡。無奈夢斷聞疎砧。原註古樂府安得雙車輪一
 夜生四角唐人詩云長安塵
 土中馬蹄圓重重郎馬
 蹄不方何處認郎蹤

清便宛轉別成風。調視范成大作奚啻牀上下之
 別

送客至江上

多事經旬不出城。今朝送客此閑行。郊原遠帶新
 晴色。人語中含樂歲聲。天際歛雲山盡出。江流收
 漲水初平。故園社友應惆悵。五歲無端棄耨耕。

如此頷聯較之繞郭烟嵐滿山樓閣以相誇耀者
 獨有雅人深致

九月十六日夜夢駐軍河外遣使招降諸城
 覺而有作

殺氣昏昏橫塞上。東並黃河開玉帳。晝飛羽檄下
 列城。夜脫貂裘撫降將。將軍櫪上汗血馬。猛士腰
 間虎文鞞。階前白刃明如霜。門外長戟森相向。朔
 風卷地吹急雪。轉盼玉花深一丈。誰言鐵衣冷徹
 骨。感義懷恩如挾纊。腥臊窟穴一洗空。太行北嶽

使拾降 成都行
原無恙更呼斗酒作長歌要遣天山健兒唱

成都行

倚錦瑟繫玉壺吳中狂士遊成都成都海棠十萬
株繁華盛麗天下無青絲金絡白雪駒日斜馳遣
迎名姝燕脂褪盡見玉膚綠鬟半脫嬌不梳吳綾
便面對客書斜行小草密復疎墨君秀潤瘦不枯
風枝兩葉筆筆殊月浸羅襪清夜徂滿身花影醉
索扶東來此歡墮空虛坐悲新霜點鬢鬚易求合
浦千斛珠難覓錦江雙鯉魚

一結見意詩體如是

初寒

江路常逢兩山城早得寒蘭凋初解佩菊老尚加
餐原註嘉陽有崇蘭節物知何負情懷自鮮歡浮
生看已熟不必憂邯鄲

木山

枯楠千載遭風雷披枝折幹吁可哀輪囷無用天
所赦秋水初落浮江來嵌空宛轉若耳鼻峭瘦振
起何崔嵬珠宮貝闕留不得忽出洲渚知誰推書

窓正對雲洞。啟。叢菊初傍幽篁。栽是間著。汝頗宜。稱摩挲。朝莫真。千回天公解事。兩十日洗盡泥滓。滋莓苔。一邱一壑。吾所許。不須更慕明堂材。

十月一日浮橋成以故事宴客凌雲

陰風吹雨白晝昏。誰掃雲霧升朝暎。三江水縮。獻洲渚。九頂秀色欲塞門。山下竹十萬箇。江面便可馳車轅。巷無居人亦何怪。釋耒來看空山村。竹枝宛轉秋猿苦。桑落澗。春泉渾。衆賓共醉忘燭跋。一徑却下綠雲根。走沙人語若潮卷。爭橋炬火。

如星繁。肩輿睡兀到東郭。空有醉墨留衫痕。十年萬事俱變滅。點檢自覺惟身存。寒燈夜永照耿耿。卧賦長句招羈魂。

觀大散關圖有感

上馬擊狂胡。下馬草軍書。二十抱此志。五十猶癯。儒大散陳倉間。山川鬱盤紆。勁氣鍾義士。可以共壯圖。坡陁咸陽城。秦漢之故都。王氣浮夕靄。宮室生春蕪。安得從王師。汎掃迎皇輿。黃河與函谷。四海通舟車。士馬發燕趙。布帛來青徐。先當營七廟。

次第書九衢。偏師縛可汗。傾都觀受俘。上壽大安宮。復如正觀初。丈夫畢此願。死與螻螳殊。志大浩無期。醉膽空滿軀。

忠憤蟠鬱自然形。見無意於工而自工。

御選唐宋詩醇卷之四十三

山陰陸游詩二

目錄

十月十九日與客飲忽記去年此時山錦屏
歸山南道中小獵今又將去此矣

長門怨

斷碑歎

蜀酒歌

醉後草書歌詩戲作

十二月初一日得梅一枝絕奇戲作長句今年於是四賦此花矣

十二月十一日視築隄

游修覺寺

塞上曲

苦筍

月下作

過大蓬嶺度繩橋至杜秀才山莊

東湖新竹

夏日湖上

同何元立賞荷花追懷鏡湖舊遊

怡齋

龍湫歌

蒸暑思梁州述懷

古意

寓驛舍

題宇文子友所藏薛公鶴

晨至湖上

聽琴

龍眠畫馬

山中得長句戲呈周輔并簡朱縣丞

長歌行

遊三井觀

臨別成都帳飲萬里橋贈譚德稱

丈人觀

儲福觀

離堆伏龍祠觀孫太古畫英惠王像

登灌口廟東大樓觀岷江雪山

平羌道中望峩眉山慨然有作

次韻何元立都曹贈行

初到榮州

醉中懷眉山舊遊

齋中夜坐有感

晚登橫溪閣

高齋小飲戲作

太液黃鵠歌

夜聞浣花江聲甚壯

謁諸葛丞相廟

醉中長歌

春感

花時遍遊諸家園

題明皇幸蜀圖

春殘

對酒

遊園覺乾明祥符三院至暮

食齋

幽居晚興

書歎

月下醉題

銅壺閣望月

夜宴即席作

芳華樓夜宴

歲晚

數日寒頓減頗有春意感懷賦短歌

梅花

萬里橋江上習射

出塞曲

偶過浣花感舊遊戲作

樓上醉書

初春出遊

張園海棠

登劍南西川門感懷

眉州作

江樓

訪楊先輩不遇因至一室

感秋

白鶴館夜坐

南津勝因院亭子

書寓舍壁

--	--	--

御選唐宋詩醇卷之四十三

山陰陸游詩二

十月十九日與客飲忽記去年此時自錦屏
歸山南道中小獵今又將去此矣

去年縱獵韓壇側。玉鞭自探南山雪。今年痛飲蜀
江邊。金盃却吸峩眉月。竹枝歌舞新教成。淒怨傳
得三巴聲。城頭築觀出雲雨。峩眉正與闌干平。酒
酣詩就擲盃去。醉蹋玻璃江上路。懸知幽磻斷槁
邊。已有梅花開半樹。

長門怨

寒風號有聲。寒日慘無暉。空房不敢恨。但懷歲莫悲。今年選後宮。連娟千裏眉。早知獲譴速。悔不承恩遲。聲當徹九天。淚當達九泉。死猶復見思。生當長棄捐。

忠厚悱惻深於言怨

斷碑歎

原註興元姚節度園以折碑爲石筍。文猶可識。蓋梁蕭懿墓碑簡文爲太子時撰書法。道美可愛。

二蕭同起蘭南陵。正如文叔與伯升。至今人悲大

蕭死齋恨不見梁家興。崇崇之陵人爲谷。豈惟羣盜分珠玉。斷碑槎牙棄道邊。文字班班猶可讀。剝剝苔蘚一悽然。俯仰人間幾變遷。世人作碑君勿哂。千載園林須石筍。

簡峭

蜀酒歌

漢州鶯黃鸞鳳雛。不鷲不搏德有餘。眉州玻璃天馬駒。出門已無萬里塗。病夫少年夢清都會賜虛皇碧琳腴。文德殿門晨奏書。歸局黃封羅百壺。十

年流落狂不除。遍走人間尋酒壚。青絲玉瓶到處
酤。鷺黃玻璃一滴無。安得豪士致連車。劍瓶不用
孟與孟。琵琶如雷聒坐隅。不愁渴死老相如。

醉後草書歌詩戲作

朱樓矯首隘八荒。綠酒一舉累百觴。洗我堆阜崢
嶸之胸。次寫爲淋漓。放縱之詞章。墨飜初若鬼神
怒。字瘦忽作蛟螭僵。寶刀出匣揮雪刃。大舸破浪
馳風檣。紙窮擲筆霹靂響。婦女驚走兒童藏。往時
草檄喻西域。颯颯聲動中書堂。
原註余嘗草丞相魯公以下與夏國

主書於政事堂。一收朝迹忽十載。西掠三巴窮夜郎。山川
荒絕風俗異。賴有美酒猶能狂。醉中自脫頭上幘。
綠髮未許侵微霜。人生得喪良細事。孰謂老大多
悲傷。

醉墨淋漓暢然滿。志忽移商調。淒焉改色矣。柴升
所謂浸淫奔放於詞翰之中。以遂其放浪蕭散不
溺不溜之槩者。取諸此也。

十二月初一日得梅一枝絕奇戲作長句今年於是四賦此花矣

高標已壓萬花羣。尚恐嬌春習氣存。月兔擣霜供
換骨。湘娥鼓瑟爲招魂。孤城小驛初飛雪。斷角殘
鐘半掩門。盡意端相終有恨。夜寒敝玉倩誰溫。

梅花詩最爲難。工中四語頗有逸致。

十二月十一日視築隄

江水來自蠻夷中。五月六月聲摩空。巨魚穹龜牙
鬚雄。欲取闌市爲龍宮。橫隄百丈臥霽虹。始誰築
此東平公。今年樂哉適歲豐。吏不相倚勇赴功。西
門大竹織萬籠。船舸載石來無窮。橫陳屹立相疊

重置力。九在水。廟東我登高。原相其衝。一盾可受
百箭攻。蜿蜒其長高。隆截如長城。限羗戎。安得
椽筆記。始終挿江石。崖堅可礮。

游修覺寺

上盡蒼崖百級梯。詩囊香椀手親攜。山從飛鳥行
邊出。天向平蕪盡處低。花落忽驚春事晚。樓高剗
覺客魂迷。興闌掃榻禪房臥。清夢還應到剡溪。

潘問奇曰第三句真登臨妙語

祖應世曰曲江有一水雲際飛之句竟陵評云

若入俗手定作一雲水際飛矣此領聯若作鳥
從山邊出更有何味

塞上曲

三尺鐵如意。一枝玉馬鞭。笑把出門去。萬里行無
前。當道何崔嵬。云是玉門關。方當置屯守。征人何
時還。馬色如雜花。鎧光若流水。蕭蕭不敢譁。遙望
但塵起。日落戍火青。煙重塞垣紫。回首五湖秋。西
風開芡芡。

蟠奇氣於簡古。著鮮華於老健。不徒作悲涼語氣。

體絕似太白

苦筍

藜藿盤中忽眼明。駢頭脫襪白玉嬰。極知耿介極
性。別苦節乃與生俱生。我見魏徵殊媚嫵。約束兒
童勿多取。人才自古要養成。放使千霄戰風雨。

周密曰世傳涪翁喜苦筍嘗從斌老乞苦筍詩
云南園苦筍味勝肉籜龍稱寃莫採錄煩君更
致蒼玉束明日風雨吹成竹嘗賦苦筍云苦而
有味如忠諫之可活國放翁又從而獎之云我

見魏徵殊媚嫵。約束兒童勿多取。於是世以諫
筍目之。殊不知翁嘗自跋云。余生長江南里人。
喜食苦筍。試取而嘗之。氣苦不可於鼻。味苦不
可於口。故嘗屏之。未始爲客一設。及來黔中。黔
人各掘苦筍。萌於土中。才一寸許。味如蜜。蔗初
春則不食。惟夔道人食苦筍四寸餘。曰。出土尺
餘。味猶甘。苦相半。以此觀之。涪翁所食。乃取其
甘。非貴於苦也。

月下作

畏暑不巾襪。步月搯短筇。瘦身髮鬢髻。顧影如孤
松。徑幽螢開闔。池漲魚噏喁。飛泉穿北垣。珠玉相
撞春。東湖更奇絕。百畝銀初鎔。但能抱琴往。絕恨
欠鶴從。重露傾荷盤。微風墮芙蓉。歡言美清夜。縹
緲吹疎鐘。空中飛僊人。粲然冰雪容。笑我老塵世。
不記瑤臺逢。

清麗寄意處妙無迹相

過大蓬嶺度繩橋至杜秀才山莊
度筴臨千仞。梯山躡半空。濕雲朝暮雨。陰壑古今

風亭觀參差見。闌干詰曲通。柳空叢篠出。松偃翠蘿蒙。負籠銀釵女。鉏菑鶴髮翁。何由有餘俸。小築此山中。

東湖新竹

揮棘編籬謹護持。養成寒碧映淪漪。清風掠地秋先到。赤日行天午不知。解籜時聞聲簌簌。放梢初見葉離離。官閑我欲頻來此。枕簟仍教到處隨。

集中詩類此者頗多。往往膾炙人口。然領聯不過斷句工巧。作者佳處殊不在此。今擇其華淨少累

者存之以備一體。其有句無篇。或日汰之。若矜尚字句之巧。以為得放翁家法。所謂微之之識。砭砭耳。

夏日湖上

烏帽筇枝散客愁。不妨胥吏雜沙鷗。迎風枕簟平欺暑。近水簾櫳探借秋。茶竈遠從林下見。釣筒常向月中收。江湖四十餘年夢。豈信人間有蜀州。

同何元立賞荷花追懷鏡湖舊遊

少狂欺酒氣吐虹。一笑未了千觴空。涼堂下簾人似玉。月色泠泠透湘竹。三更畫船穿藕花。花為四

行遊月夜詩
元立賞荷追懷舊遊
怡齋
薛船爲家不須更踏花底藕。但嗅花香已無酒。花
深不見畫船行。天風空吹白紵聲。雙槳歸來弄湖
水。往往湖邊人已起。卽今憔悴不堪論。賴有何郎
共此尊。紅綠疎疎君勿歎。漢嘉去歲無荷看。

怡齋

東湖仲夏草樹荒。屋古無人亭午涼。萱房微呀不
見日。荀籜自解時吹香。野藤蟠屈入窓罅。濕菌扶
疎生屋梁。跨溝數椽最幽翳。漲水及檻雨敗牆。靜
涵青蘋舞藻荇。閑立白鷺浮鴛鴦。芙蓉渠雖瘦亦瀟

漫照眼翠蓋遮紅妝。水紋枕簟欲卷却。團團素扇
嬾復將。天風忽送搶鈴語。喚覺清夢遊瀟湘。

龍湫歌

環湫巨木老不花。淵淪千尺龍所家。爪痕人木欲
數寸。觀者心掉不敢譁。去年大旱綿千里。禾不立
苗。麥垂死。林神社鬼無奈何。老龍欠伸徐一起。隆
隆之雷浩浩風。倒卷江水傾虛空。鱗間出火作飛
電。金蛇夜掣層雲中。明朝父老來賽雨。大巫吹簫
小巫舞。祠門人散月娟娟。龍歸抱珠湫底眠。

須臾慰滿三。農望歛却神功寂。若無此詩亦有其意。

蒸暑思梁州述懷

宣和之末予始生。遭亂不及遊。司并從軍梁州。亦少慰土脈深厚。泉流清季。秋嶺谷浩積雪。二月草木初抽萌。夏中高涼最可喜。不省舉手驅蟲。藏冰一出賣滿市。玉璞堆積寒崢嶸。柳陰夜臥千駟馬。沙上露宿連營兵。胡笳吹墮漾水月。烽燧傳到山南城。最思出甲戌。秦隴戈戟徹夜相摩聲。兩年

劍南走塵土。肺熱煩促無時平。荒池昏夜蛙閣閣。食案白日蠅營營。何時王師自天下。雷雨頌洞收機槍。老生衰病畏暑濕。思卜郭杜開柴荆。

古意

繼足餽飢鷹。鷹飽意未平。伏櫪豈不安。老驥終悲鳴。士生固欲達。又懼徒富貴。素願有未伸。五鼎澹無味。茅屋秋雨漏。稻陂春水深。長歌傾濁酒。舉世不知心。

身分極高語亦落落入古

寓驛舍

原註予三至成都皆館於是

閑坊古驛掩朱扉又憇空堂綻客衣九萬壁中鯤
自化一千年外鶴仍歸遠庭數竹饒新筍解帶量
松長舊園惟有壁間詩句在暗塵殘墨兩依依

題宇文子友所藏薛公鶴

仙人騏驥絕世稀卵生凡禽似而非宮保妙筆窮
化機縞衣元裳真令威千年華表聊一歸回首幸
脫傑軒譏喙吞不恨菰米微從吾曹遊安得肥

晨至湖上

園古逢秋好身閑與嬾宜空堂賞疏豁重閣望參
差竹粉有新意松風含古姿低回慙祿米官事少
於詩

聽琴

疎簾曲檻蘋風涼細腰美人藕絲裳綠藤水紋穿
矮牀玉指纖纖彈履霜高林鶯囀日正長幽澗泉
鳴夜未央哀思不怨和而莊有齊淑女禮自防世
人但惑青樓倡琵琶篋雜胡羌試聽一曲醒汝
狂文姬指法傳中郎

於韓歐蘇黃諸家外自樹一幟泠泠清音欲滿人
耳視諸子正未肯作郊莒

龍眠畫馬

國家一從失西陲年年買馬西南夷瘴鄉所產非
權奇邊頭歲入幾番皮崔嵬瘦骨帶火印離立欲
不禁風吹圍人太僕空列位龍媒汗血來何時李
公太平官京師立仗慣見渥洼姿斷縑歲久墨色
暗逸氣尚若不可羈賞奇好古自一癖感事憂國
空餘悲鳴呼安得毛骨若此三千匹銜枚夜度桑

乾磧

文集跋韓幹馬大駕南幸將十八年秦兵洮馬
不復可見志士所共歎也觀此畫使人作闕輔
河渭之憂殆欲實涕矣

山中得長句戲呈周輔并簡朱縣丞

鶴鳴山空無鶴來青霞嶂深天壁開千巖角逐互
吞吐一峰拔起矜崔嵬日光微漏潭見底原註青霞嶂碧
玉潭皆霧水氣上薄雲成堆幽禽飛鳴報客至奇
中佳處樹璀璨知誰栽花藤怪蔓白晝暗犇猿落狢無時

哀路窮尚躡一千級。忽見密竹藏樓臺。共言神僧
 昔住此。至今光景如天台。措筇負笠出復沒。喜動
 婦人驚捉孩。高人何至作狡獪。無乃翫世聊相詼。
 不然學道窮實際。詎捨正大崇奇瑰。儒林丈人學
 擅世。餘事尚歷蔡與崔。名山未死可再到。此士一
 失難重陪。贊府摘山事如織。擺撥領客何奇哉。境
 幽神愴不可住。歸倩玉手傳金杯。原註朱君有侍
兒許爲客出
 唐書劉建鋒傳高郁教馬殷教民得自摘山收
 茗算募高戶置邸閣居茗

長歌行

人生不作安期生。醉入東海騎長鯨。猶當出作李
 西平。手梟逆賊清舊京。金印煌煌未入手。白髮種
 種來無情。成都古寺臥秋晚。落日偏傍僧窓明。豈
 其馬上破賊手。哦詩長作寒蠶鳴。興來買盡市橋
 酒。大車磊落堆長餅。哀絲豪竹助劇飲。如鉅野受
 黃河。傾乎時一滴。不入口。意氣頓使千人驚。國讐
 未報壯士老。匣中寶劍夜有聲。何當凱還宴將士。
 三更雪壓飛狐城。

遊三井觀

三井久知名。暇日偶一訪。棟宇壞欲盡。基址尚闕。壯畫牆皆國工。烟雲儼天仗。旌旄亞戈戟。佩玉雜。弓。韞。太古實傑作。筆落九天上。吳生名擅世。睥睨未肯讓。規模遠有考。意象豪不放。最奇老癯仙。骨立神愈王。石恪雖少怪。用筆亦跌宕。兩姝澹蛾眉。非復火食狀。塵埃久侵蝕。風雨無蓋障。好事未易逢。寧能久亡恙。雍洛劫火餘。妙迹盡凋喪。斯遊恐難繼。佇立增悄愴。

因畫生慨妙得子美家法筆力樸堅亦復相近

臨別成都帳飲萬里橋贈譚德稱

成都城南萬里橋。蘆根蘋末風蕭蕭。映花碾草鉤車小。駐坡驀澗青驄驕。入門翠徑絕窈窕。臨水飛觀何岩堯。判無功名著不朽。惟仗詩酒寬亡聊。迎霜早已足雉兔。微冷便欲思狐貉。喜看縷膾映盤箸。恨欠斫蟹加橙椒。坐中譚侯天下士。龍馬毛骨矜超遙。烏犀白紵謫仙樣。但可邂逅不可招。今年一戰馘餘子。風送六翮凌青霄。美人再拜乞利市。

醉墨飛落生鯁鮓。我衰於世百無用。十年不趣舍
元朝。華纓肯傍蕭颯鬢。寶帶那束龍鍾腰。祝君好
去事明主。日望分喜來漁樵。遊談引類亦細事。寄
酒且解相如消。

丈人觀

黃金篆書扁朱門。夾道巨竹屯蒼雲。崖嶺割若天。
地分千柱。駝駝壓其垠。纓冠肅謁丈人君。廣殿空
庭吹寶熏。摩挲畫槁手爲軌。異哉山苑與土贖。物
怪齷齪冠邱墳。仙人佩玉雜悅怱。手整貂冠最不

羣欲去。不忍恨日曛。道翁采藥晝夜勤。松根茯苓
獲兼斤。人之植立彊骨筋。枸杞羣吠聲狺狺。山爐
小甌吹幽芬。朱顏不飲常自醺。我亦宿誦五千文。
一念之差隨世紛。逝將從翁走如麋。隱書秘訣何
由聞。

硬語排冪自見妥帖

本集七律自註丈人觀孫太古畫范長生作舉
手整貂蟬像神氣尤奇逸

儲福觀

原註唐玉真公
主修真之地

路轉屏風疊。雲藏帝子家。窮幽行犖确。息倦倚槎牙。綠蘚封茶樹。清霜折藥花。世無勾漏令。誰此養丹砂。

不少新色亦逼唐調

離堆伏龍祠觀孫太古畫英惠王像

岷山導江書禹貢。江流斲山山爲動。嗚呼秦守信豪傑。千年遺迹人猶誦。決江一支溉數州。至今禾黍連雲種。孫翁下筆開生面。岌業高冠摩屋棟。徒木遺風雖峭刻。取材尚足當世用。寥寥後世豈乏

人尺寸未施讒。已衆要官無責空。賦祿軒蓋傳呼真。一闕奇勳偉績曠。世無仁人志士臨風慟。我游故祠九頓首。夜遇神君了非夢。披雲激電從天來。赤手騎鯨不施鞚。

以騷人之才發志士之感。獨立蒼茫自詠詩。正使生平蘊結藉此一攄。

登灌口廟東大樓觀嶠江雪山

我生不識柏梁建章之宮殿。安得峩冠侍遊宴。又不及身在滎陽京。索間擐甲橫戈夜酣戰。胸中迫

隘思遠遊。沂江來倚岷山樓。千年雪嶺關邊出。萬里雲濤坐上浮。禹迹茫茫始江漢。疏鑿功當九州。半丈夫生世要如此。齋志空死能無歎。白髮蕭條吹北風。手持卮酒酌江中。姓名未死終磊磊。要與此江東注海。

平羌道中望峩眉山慨然有作

白雲如玉城。翠嶺出其上。異境忽墮前。心目久蕩漾。別來二百日。突兀喜無恙。飛仙遙舉手。喚我一稅鞅。此行豈或使。屏迹事幽曠。何必故山歸。更破

萬里浪

王士正曰九盤山臨青衣江遙望大峩秀出天半雲嵐萬狀積雪晶然中峩如偃僂少峩如拱揖北來諸山蜿蜒起伏爭趨峩下放翁詩白雲如玉城翠嶺出其上異境忽墮前心目久蕩漾身未到此不知語意之工

次韻何元立都曹贈行

原註元立用陳後山送蘇公詩韻

嘉榮東西川。此別不為遠。徘徊凌雲守。決去未遲恐。登高望故人。烟樹參差見。懸知今日夢。不隔重

御選唐詩 卷四十一
贈行 初到榮州
城。鍵。平。生。相。從。意。百。年。有。未。滿。結。巢。青。城。雲。期。子。
在。歲。晚。

澄澹入古

初到榮州

亂山缺處城樓呀。雙旗蕭蕭晚吹笳。烟深綠桂臨
絕壑。霜落殘瀨鳴寒沙。廢臺已無隱士嘯。遺宅尚
有高人家。鈴齋下榻約僧話。松陰枕石放吏衙。盃
羹最珍慈竹筍。餅水自養山薑花。地爐堆獸爇石
炭。瓦鼎號蚓煎秋茶。少年遠遊無百里。一饑能使

行。天。涯。豈。惟。慣。見。蓬。婆。雪。直。恐。遂。泛。星。河。槎。故。巢。
肯。作。兒。女。戀。異。境。會。向。鄉。閭。誇。一。盃。徑。醉。憤。自。墮。
燈。下。髮。影。看。鬢。髩。

醉中懷眉山舊遊

勁。酒。少。和。氣。哀。歌。無。歡。情。故。鄉。不。敢。思。登。高。望。錦。
城。錦。城。那。得。去。髣。髴。墓。廬。路。遙。知。尊。前。人。指。我。題。
詩。處。我。雖。流。落。夜。郎。天。遇。酒。能。狂。似。少。年。想。見。東。
郊。携。手。日。海。棠。如。雪。柳。飛。綿。原註漢嘉術者袁牧
童謂子明年春分後
當還
西州

如瓶瀉水如珠走盤想見酒間揮灑之樂

齋中夜坐有感

荒山爲城溪作壕。風鼓巨木聲翻濤。鴉。象。乘。屋。彈。
不。去。狐。狸。欺。人。怒。豎。毛。雨。來。紅。鶴。更。可。惡。爭。巢。一。
似。嬰。兒。號。城。狐。屋。老。草。木。茂。正。坐。人。少。此。輩。豪。急。
呼。五。百。具。畚。鍤。欲。掀。窟。穴。窮。腥。臊。忽。然。語。罷。却。自。
笑。殘。年。何。至。與。汝。麀。浣。花。江。色。綠。如。黛。春。波。灩。灩。
浮。輕。舸。行。當。繫。纜。柳。陰。下。仰。聽。鶯。語。傾。香。醪。

晚登橫溪閣

樓鼓聲中日又斜。憑高愈覺在天涯。空桑客土生
秋草。野渡虛舟集晚鴉。瘴霧不開連六詔。俚歌相
答帶三巴。故鄉可望應添淚。莫恨雲山萬疊遮。

漢其欲絕哀厲彌長被之歌喉可以繞梁三日

高齋小飲戲作

梅花又發魚門關。坐覺春風萬里寬。荔子陰中時
縱酒。竹枝聲裡強追歡。下年漢使殊方老。子夜吳
歌。昨。夢。殘。白。帝。夜。郎。俱。不。惡。兩。公。補。處。得。憑。欄。

原註

子五年間
自夔容榮

郵選直采詩集

卷四十三

陸游

晚登橫溪閣

高

廿八

太液黃鵠歌

有引

漢始元元年春二月黃鵠下建章宮太液池中
公卿上壽賜諸侯王列侯宗室金錢子夜讀漢
書追作歌一首

建章宮裏春風寒太液水生池面寬中人馳奏黃
鵠下龍旗豹尾臨池看芹香藻暖鵠得意左右從
官呼萬歲須臾傳詔宴公卿歡聲如雷動天地時
平宮省遊樂多黃鵠刷羽涵恩波小臣珥筆龍墀
下願繼前朝大馬歌高愈貴時天賦空桑上土

託興深遠承靈威兮障外國猶是夜渡桑乾之意

夜聞浣花江聲甚壯

浣花之東當筓槁犇牛齧橋橋爲搯分洪初疑兩
蛟舞觸石散作千珠跳壯聲每挾雷雨橫巨勢潛
借鼉鼉驕夢回聞之坐太息鐵衣何日東征遼銜
枚度磧沙颯颯槩斷隴風蕭蕭不然投檄徑歸
去短篷卧聽錢塘潮

謁諸葛丞相廟

原註彌牟入陣原上

漢終四百天所命老賊方持太阿柄區區梁益豈

足支不忍安坐觀異姓遺民亦知土室在閨位那
干天統正公雖已沒有神靈猶假賊手誅鍾鄧前
年我過沔陽祠再拜奠俎衰淚迸潔齋請作送迎
詩精忠大義神其聽

能道孔明心事辭意警絕善於包舉

醉中長歌

闌干斗柄搖天東人間一夜回春風注桃染柳歲
相似惟我衰顏非昔紅可憐逢春不自感更欲使
氣驚兒童煙郊射雉錦臆碎水亭供膾金盤空歸

穿南市萬人看流星突過連錢驄高樓作歌醉自
寫墨光燭焰交長虹人生未死貴適意萬里作客
原非窮或人夜直金鑿殿偃卧蜀聽宮門鐘

春感

少時狂走西復東銀鞍駿馬馳如風眼看春去不
復惜只道歲月來無窮初遊漢中亦未覺一飲尙
可傾千鍾父魚狼藉漾水濁獵虎蹴陽南山空射
朔命中萬人看毬門對植雙旗紅華堂却來弄筆
硯新詩醉草誇坐中劍關南山纔幾日壯氣推縮

成衰翁。雪霜蕭颯已滿鬢。蛟龍鬱屈空蟠胸。隣園古花忽爛熳。推枕疆起隨遊蜂。遠看百匝幾嘆息。吹紅洗綠行怱怱。莫年逢春尚有幾。常恐春去尋無踪。青銅三百尙可辨。且判爛醉酤郛筒。

花園

花時遍遊諸家園
宣華無樹著啼鶯。惟有摩訶春水生。故老能言當日事。直將宮錦裹宮城。

於海棠寓荒淫之警獨有深味

題明皇幸蜀圖

天寶政事何披猖。使典相國胡奴王。弄權楊李不足怪。阿瞞手自裂紀綱。八姨富貴尙有理。何至詔書褒五郎。原註天寶末下詔盧龍賊騎已洶洶丹雪張易之兄弟鳳神語猶琅琅。人知大勢危繫卵。天稔奇旤如崩。牆臺省諸公獨耐事。歌詠功德卑虞唐。一朝殺氣橫天末。疋馬西奔幾不脫。向來謫子知幾人。賊前稱臣草間活。劍南萬里望秦天。行殿春寒聞杜鵑。老臣九齡不可作。魚蠹蛛絲金鑑篇。

筆墨老橫有如高牙大纛堂堂正正摧堅而折銳

結尤得立言之旨

春殘

石鏡山前送落暉。春殘回首倍依依。時平壯士無功老。鄉遠征人有夢歸。苜蓿苗侵官道合。蕪菁花入麥畦稀。倦遊自笑摧頽甚。誰記飛鷹醉打圍。盧世淮曰。項聯有髀肉復生之慨。

對酒

閑愁如飛雪。人酒卽消融。好花如故人。一笑盃自空。流鶯有情亦念我。柳邊盡日啼春風。長安不到

十四載。酒徒往往成衰翁。九環寶帶光照地。不如留君雙頰紅。

遊圓覺乾明祥符三院至暮

成都再見春事殘。雖名閑官實不閑。門前車馬鬧如市。案上文檄高於山。有時按劍輒徑出。畧似齊客偷秦關。日斜僕夫已整駕。顧景欲駐愁。嘲訕豈知今朝有此樂。放浪一笑開衰顏。抽身黃塵烏帽底。得意翠木青泉間。褰裳危磴窮犖礪。洗耳古澗聽淙潺。豈惟頓覺宇宙廣。政爾一散腰腳頑。似聞

青城縹緲處待我歸綴仙官班。後鷹解條卽萬里。豈比倦翼方知還。

食齋

小著鹽醃助滋味。微加薑桂發精神。風爐歛鉢窮家活。妙訣何曾肯授人。

小有風致

幽居晚興

借鋤藥喜微香。汲井澆花趁晚涼。胸次何曾橫一物。尊前尚欲笑干場。錦江秋雨芙蓉老。笠澤春

風杜若芳。歸去自佳留亦樂。夢中何處是吾鄉。

行雲流水之趣眼前語頗能道出

書歎

三代藏寶器世守參河圖。埋湮則已矣。可使列市區。文章有廢興。蓋與治亂符。慶歷嘉祐間。和氣扇大鑪。數公實主盟。渾灑配典謨。開闢始歐王。蓄畬逮曾蘇。大駕初渡江。中原皆避胡。吾猶及故老。清夜陪坐隅。論文有脈絡。千古著不誣。俯仰四十年。綠髮霜蓬枯。孤生尊所聞。秉節不敢渝。久幽士固

有速售理則無世方亂珉玉吾其老江湖

文章與時隆汗自古而然後生小子備規矩而改
錯豈知老成之有淵源耶太白歎大雅久不作少
陵云文章千古事高情遠識可以並讀

文集答邢司戶書近時頗有不利場屋者退而
組織古語剝裂奇字大書深刻以眩世俗讀之
使人面熱此等果可言文章乎如唐韓氏柳氏
吾宋歐氏王氏蘇氏以文章擅天下者徒以在
場屋時苦心耗力凡陳言淺說之可病者已知

厭棄如都市之王工珉玉雜治積日既久望而
識之矣一旦取荆山之璞以為黃琮蒼璧萬乘
之寶珉豈可復欺耶凡今不利場屋而名古之
文者往往未嘗識珉者也又安知玉哉

月下醉題

黃鵠飛鳴未免飢此身自笑欲何之閉門種菜英
雄老彈鋏思魚富貴遲生擬入山隨李廣死當穿
塚近要離一樽強醉南樓月感慨長吟恐過悲

盧世淮曰三四自是壯語

銅壺閣望月

銅壺閣上看明月。身在千尋白銀闕。十年肺渴今夕平。皓然胸次堆冰雪。恨無仙掌出雲表。更取墜露和玉屑。夜闌三嘆下危梯。明日人間火雲熱。

夜宴卽席作

宣華輦路牧羊摩訶龍池草茫茫。宮殿犁盡餘絲牆。南風遠吹禾黍香。草間白骨橫秋霜。何由喚起醜一觴。癡人走死聲利場。我獨感此惜流光。蘋花開時風樹涼。美人縹緲如鸞翔。堯千舜日樂未央。

與非子之故為誰狂

芳華樓夜宴

射虎將軍老不侯。尚能豪縱醉江樓。笙歌雜沓娛清夜。風露高寒接素秋。少日壯心輕玉塞。暮年幽夢墮滄洲。人間清絕沅湘路。常笑靈均作許愁。

歲晚

歲晚城隅車馬稀。偷閑聊得掩荆扉。征蓬滿野風霜苦。多稼連雲雁鶩肥。報國有心空自信。結茅無地竟安歸。浣花道上人誰識。華表千年老令威。

御選唐詩卷四十三 陸游 芳華樓夜宴 歲晚 三

御選唐詩 卷四十三 數日頗有春意 梅花 三五

領聯真風人語歎惋無盡妙有含蓄

數日寒頓減頗有春意感懷賦短歌

微陰寒不力破臘春暗動林梢報梅白水際聞鳥
哢羈鴻漸整翮一一勞日送應憐飛蓬客猶作浣
花夢平生江淮間裘馬事豪縱豈知老畏死齋鉢
受蔬供忍饒每自笑小飲未敢痛何以慰寂寥臥
聽壓春壑

梅花

冰崖雪谷木未芽造物破荒開此花神全形枯近

有道意莊色正知無衰高堅政要飽憂患放棄何
遷愁荒遐移根上苑亦過計竹籬茅屋真吾家平
生自嫌亦自許妙處可識不可誇金尊翠杓未免
俗篝火為試江南茶

另開生面全是寓意

萬里橋江上習射

坡隴如濤東北傾胡牀看射及春晴風和漸減雕
弓力野迥遙聞羽箭聲天上欃槍端可落草間狐
兔不須驚丈夫未死誰能料一筈他年下百城

御選唐詩 卷四十三 陸游 萬里橋江上習射 三五

出塞曲

佩刀一刺山爲開。壯士大呼城爲摧。三軍甲馬不知數。但見動地銀山來。長戈逐虎祁連北。馬前曳來血丹臆。却回射雁鴨綠江。箭飛雁起連雲黑。清泉茂草下程時。野帳牛酒爭淋漓。不學京都貴公子。唾壺塵尾事兒嬉。

偶過浣花感舊遊戲作

憶昔初爲錦城客。醉騎駿馬桃花色。玉人攜手上江樓。一笑鈎簾賞微雪。寶釵換酒忽徑去。二月樓

中香未滅。市人不識呼酒仙。異事驚傳一城說。至今西壁餘小草。過眼年光如電掣。正月錦江春水生。花枝缺處小舟橫。閑倚胡牀吹玉笛。東風十里斷腸聲。

樓上醉書

丈夫不虛生。世間本意滅。虜收河山。豈知蹭蹬不稱意。八年梁益凋朱顏。三更撫枕忽大呌。夢中奪得松亭關。中原機會嗟屢失。明日茵席留餘惜。益州官樓酒如海。我來解旗論日買。酒酣博塞爲歡

娛信手象盧喝成采。牛背爛爛電目光。狂殺自謂
元非狂。故都九廟臣。敢忘祖宗神。靈在帝旁。
縱筆在書。却有沈鬱頓挫之妙。范成大贈游云。高
興餘飛動。孤忠有照臨。非虛語也。

初春出游

春風初來滿刀州。江水照人如潑油。犢車芳草南
陌頭。家家傾賞事。遨遊萬里橋。西繫黃騮。為君一
登散花樓。半年長齋廢觥籌。興來忽典千金裘。小
桃婀娜弄芳柔。紅蘭茁芽滿春洲。壚邊女兒不解

愁。鬪草纔罷還藏鈎。可憐世人自拘囚。益中乾坤
舞蜉蝣。百年苦短去日遒。問君安用萬戶侯。

張園海棠

洛陽春信久不通。姚魏開落胡塵中。揚州千葉昔
曾見。已歎造化無餘功。西來始見海棠盛。成都第
一推燕宮池臺掃除。凡木盡天地眩轉。花光紅慶
雲墮空。不飛去。時有絳雪縈微風。蜂蝶成團出無
路。我亦狂走迷西東。此園低樹猶三丈。錦繡却在
青天上。不須更著刀尺裁。乞與齊奴開步障。

不著凡語爲海棠生色從來咏海棠者多矣以此爲最

登劍南西川門感懷

自古高樓傷客情。更堪萬里望吳京。故人不見莫雲合。客子欲歸春水生。瘴癘連年須藥石。退藏無地著柴荆。諸公勉畫平戎策。投老深思看太平。

眉州作

扁舟久不泛。墓津常恐黃塵解。汚人爛醉破除干。

盧世灌曰此首極似杜陵讀者自辨之

日憊原註子不至。狂吟判斷四州春。原註此衝目
眉山三年矣。成都歷永康
唐安至汀洲。漸歎蘋花老。風露初嘗荔子新。使欲
眉山。騎鯨東海去。勝遊未忍別峩岷。

江樓

急雨洗殘瘴。江邊閑倚樓。日依平野沒。水帶斷槎流。擣紙荒村晚。呼牛古巷秋。腐儒憂國意。此際入搔頭。

隨意詠懷不覺近杜其由來深矣

訪楊先輩不遇因至石室

訪客客已去。追涼成獨行。衣冠嚴漢殿。草木拱秦城。古甃蒼苔滑。空庭落日明。出門還懍恍。列屋打碑聲。原註牆東即石經堂

感秋

西風繁杵擣征衣。客子關情正此時。萬事從初聊復爾。百年疆半欲何之。畫堂蟋蟀怨清夜。金井梧桐辭故枝。一枕淒涼眠不得。呼燈起作感秋詩。
王士正曰王階蟋蟀鬧清夜四語小說載此為蜀中某驛卒女詩放翁見之納以為妾為夫人

所逐又有卜算子詞不合畫春山依舊留愁住云云按劔南集此詩乃放翁在蜀時所作本七律玉階作畫堂鬧作怨後人稍竄易數字輒傳會或收入閨秀詩可笑也

白鶴館夜坐

竹聲風雨交。松聲波濤翻。我坐白鶴館。燈青無晤言。廓然心境寂。一洗吏卒喧。袖手哦新詩。清寒愧雄渾。屈宋死千載。誰能起九原。中間李與杜。獨招湘水魂。自此兢摹寫。幾人望其藩。蘭若看翡翠。煙

南津勝因院亭子

兩啼青猿。豈知雲海中。九萬擊鵬鷖。更闌燈欲死。此意與誰論。

此與書歎一篇見此老識力亦後學良則所以為

南渡之冠

南津勝因院亭子

南江平無風。如鏡新拂拭。漁舟不點破。潏潏千頃碧。闌干西北角。雲散山爭出。坡陀競南走。翠入窓戶。峯江山不世。情作意娛此客。豈無尊中酒。豪飲非宿昔。明當還成都。塵土埋馬迹。後巖在眼中。飛

去無羽翼。原註後巖在鳳凰山後七八里山水尤奇絕

書寓舍壁

天與癡頑不解愁。未埋病骨且閑遊。山於拄杖橫時看。路到芒屨破處休。初擬燒丹住南嶽。却因學劍客西州。秋風巾褐添蕭爽。又作臨邛十日留。

陸游 書寓舍壁

